



PNG LNG Environmentel na Sosel Ripot – **Yia 2022**





ExxonMobil

PNG LNG i wok olsem wanpela han kampani bilong ExxonMobil insait long ko-vensa wantaim:

Santos



KUMUL PETROLEUM
HOLDINGS LIMITED



JX Nippon Oil & Gas Exploration



© ExxonMobil PNG Limited 2023

Corporate Separateness Notice: Nothing in this material is intended to override the corporate separateness of affiliated companies. Working relationships discussed in this material do not necessarily represent a reporting connection, but may reflect a functional guidance, stewardship, or service relationship. Where shareholder consideration of a local entity matter is contemplated by this material, responsibility for action remains with the local entity.

ExxonMobil PNG Limited has numerous affiliates, many with names that include ExxonMobil, Exxon, Esso and Mobil. For convenience and simplicity, those terms and terms like corporation, company, our, we and its are sometimes used as abbreviated references to specific affiliates or affiliate groups. Abbreviated references describing global or regional operational organisations and global or regional business lines are also sometimes used for convenience and simplicity. Similarly, ExxonMobil has business relationships with thousands of customers, suppliers, governments, and others. For convenience and simplicity, words like venture, joint venture, partnership, co-venturer, and partner are used to indicate business relationships involving common activities and interests, and those words may not indicate precise legal relationships.

Data adjustments may occur after publication and as such, data may be revised in future Reports.

For the purposes of this Report, the currency conversion rate used, between Papua New Guinea Kina (PGK) and United States Dollars (USD) is 0.2840 [PGK1 = USD0.2840]. This rate is as published by the Bank of Papua New Guinea as at 31 December 2022.



EKSEKETIV TOKTOK

Long 2022, ExxonMobil PNG Limited i winim bikpela mak tru we ol i wok moa lo 100 milien aua long taim prodaksen i bin stat.

Papua Niugini Likwifait Nuturel Ges (PNG LNG) i gohet yet long kamapim riliabel saplai bilong enaji i go long ol kastoma bilong em long Asia, na long wankain taim, em i givim sans long wok, bisnis na komyuniti developmen long ol sitisen bilong Papua Niugini.

Wanpela han bilong Exxon Mobil Corporation, ExxonMobil PNG Limited (EMPNG) i go pas long mekim wok bilong PNG LNG fasiliti wantaim ol ko-vensera patna olsem: Santos Limited, Kumul Petroleum Holdings Limited, JX Nippon Oil and Gas Exploration Corporation, Mineral Resources Development Company Limited wantaim ol wanwok bilong ol. Dispela Envairementel na Sosel Ripot i givim ol toktok bilong wanem samting i bin kamap long envairomen na sosel wok bilong EMPNG long 1 Janueri i go inap long 31 Desemba 2022.

Prodaksen

PNG LNG i wok long strongim prodaksen operesen we i bihainim astingting bilong 'Bikpela Velu, Liklik Senis' ol i bin statim long 2021. Dispela i helpim Prodaksen tim long kamapim moa wok long plent long 2022, we ol i kamapim 8.6 milien ton LNG na salim 114 LNG kago i go aut long dispela yia.

Long taim prodaksen i bin stat, ol i kamapim moa long 69 milien ton LNG na salim aut 920 LNG kago na 86 naphtha kago i go long ol kastoma long Asia.

Long Julai 2022, mipela winim nupela LNG daily prodaksen rekot bilong 9.4 milien ton long wan yia, na winim tu daily level prodaksen bilong naphtha we i kamapim 722 kubik mita wan de long averej, long taim yu skelim wantaim rekot bilong bipo, we i bin stap long 579 kubik mita wan de. Moa long 96 pesen bilong uptime, we olgeta wok i ran gut, i bin kamap long dispela yia, na em i karamapim tu ol skedul na anskedul mentenens wok.

Nesenel kontent

Kampani i winim bikpela mak bilong nesenel konten long 2022, we sikispela bilong ol etpela supavaisori wok long Apstrim Operesen tim, em ol Papua Niugini sitisen i go pas long en. Ol Papua Niugini sitisen i holim 90 pesen bilong Apstrim eria Operesens tim na 100 pesen long Paipain Operesens tim.

Long pinis bilong 2022, total wokfos bilong PNG LNG em 3770 woka na 88 pesen bilong ol em ol Papua Niugini sitisen, we 633 bilong ol em ol meri. PNG LNG wokfos i bungim ol wokmanmeri bilong EMPNG, ol kontrakta na ol woklain bilong 25 ted pati kontrakta ogenaísesen husat i mekim ol prodaksen wok bilong PNG LNG.

Long dispela yia, kampani i kisim 10-pela ensinia long Greduet Ensinia Rikrutmen Program. Ol i kisim tu tripela greduet bilong ol arapela disiplin long Greduet Menesmen Developmen Program. Ol namba wan lain long Greduet Menesmen Developmen Program i pinisim tripela-yia rotesen program long 2022, na i statim nupela wok bilong ol nau wantaim kampani.

Ol i kisim tu sevenpela ensinia studen long Intern Ensinia Rikrutmen Progrembilong EMPNG long mekim ol wok trening long ol PNG LNG fasiliti.

Operesen na Mentenens trening program i selebretim 10-pela yia long 2022, na ol i tok welkam long namba et intek we i bin gat 28 treni we etpela bilong ol em ol meri. Olgeta 24 treni bilong namba seven intek i bin pinism trening na ol i stat wok long ol EMPNG wok ples olsem ol Junia Teknisen long Novemba 2022.

Long pinis bilong 2022, 12-pela greduet bilong Operesens na Mentenens trening program i muv i go antap long wok bilong supavaisa, na faipela i holim bikpela wok long EMPNG, we 33 pesen bilong ol dispela posisen em ol meri i holim. Fifti-faiv pesen bilong olgeta EMPNG fil operesens lidasip wok em ol greduet bilong Operesens Mentenens trening program i go pas long en na 14 pesen bilong ol em ol meri.

Long 2022, EMPNG na ol kontrakta bilong en i bin givim samting olsem 148,000 aua long trening i go long 9180 pipel long 3790 kos.

Ol online kos i stap yet, na face-to-face pasin bilong lainim samting i stat gen bihain long ol i rausim sampela ristriksen bilong pandemik. Nainti-foa pesen bilong ol lain i kamap long trening em ol Papua Niugini na 23 pesen bilong ol em ol meri.

EMPNG i wok long gohet yet long givim trening i go long ol Papua Niugini bisnis. Long 2022, nainpela lenona kampani (Lancos) na 143 non-Lanco Papua Niugini bisnis i bin kisim ol wok long eria bilong prodaksen.



LNG Plant Marin Teminel

EMPNG i spendim PGK633 milien (USD180 milien) insait long kantri long ol Papua Niugini bisnis long 2022 na long 2021 em i bin spendim PGK645 milien (USD183 milien). Samting olsem 46 pesen bilong mani em i spendim insait long kantri long 2022 i bin go long ol Lanco sevis, samting olsem PGK292 milien (USD83 milien) na long 2021 em i bin spendim PGK185 milien (USD52 milien) long ol Lanco sevis.

Long taim prodaksen i bin stat, EMPNG i spendim PGK5.8 bilien (USD1.7 bilien) long ol Papua Niugini sevis we PGK1.8 bilien (USD538 milien) i bin go long ol Lanco bisnis.

EMPNG i save kamapim ol stratejik komyuniti invesmen program long helpim ol komyuniti na iekonomik developmen we bai i stap longpela taim bihain.

Olsem hap bilong dispela program, kampani i bin wokim wanpela nupela komyuniti risos senta, stua haus, maket bilding, ples waswas, na multi-pepes basketbal na volibal kot klostu long Hides Ges Kondisening Plent (HGCP) long 2022. Kost bilong sanapim ol dispela fasiliti em PGK4.6 milien (USD1.3 milien) na EMPNG i bin givim mani long Lanco Hides Gas Development Company Limited long sanapim. Dispela risos senta bai i wanpela multi-pepes ples bilong holim ol komyuniti miting, maket, spots na sosel bung bilong ol komyuniti long Hides.

EMPNG i givim tu mani bilong sanapim 18 haus win long Apstrim eria we ol komyuniti i ken bung long miting na ol pipel long ol komyuniti husat i wok na stap klostu, i ken kisim klinpela wara. Wan wan haus win i gat tupela bikpela tenk bilong kisim wara bilong ren, na ruf antap long haus i givim spes we ol miting na arapela bung bilong ol komyuniti i ken kamap.

Long Oktoba, wok i bin stat long nupela Komo Rurel Lokal-Level Gavman semba na EMPNG i givim mani long sanapim dispela semba. Ol Lancos Hides Energy Services Limited, Komo Airfield Development Company na Hides Management Services i bin go pas long ol wok bilong sanapim dispela semba. Long taim wok i pinis, bai em i kamap konpresen rum na ples bilong miting, na bai em i kamap administresen opis tu bilong 24 wod kaunsila bilong Komo Rurel Lokal-Level Gavman.

Bihain long ragbi lig kompetisen i bin kamap gut long Komo, EMPNG i helpim ol komyuniti long Angore long kamapim wanpela ragbi lig kompetisen long taim em i helpim nupela Angore Hayapuga Futbol Asosiesen long rejista wantaim Papua New Guinea Rugby Football League. Na tu, EMPNG i wokim bikpela ragbi lig fil bilong ol Angore komyuniti long Idauwi Praimeri Skul na givim ol jesi i go long 11-pela lokal tim.

Ol i sanapim wanpela nupela haus bilong tisa long nupela Undupi Praimeri Skul long Angore. Dispela skul i lukautim/ servim ol komyuniti i stap klostu long Kindipa na i gat 195 studen. EMPNG i givim mani bilong sanapim dispela haus we bai mekim isi long ol tisa i go kam long skul na givim gutpela edukesen long ol pikinini long Angore.

Long Hela Provins, wanpela nupela Komyuniti Pik Entaprais we i gat bikpela ples bilong lukautim ol pik i op nau na mani bilong wokim na komyuniti trening sapot i bin kam

long EMPNG. Dispela Entaprais i gat wanpela ples bilong lukautim ol pik, we i gat 200 meri pik na wanpela trening fam long lukautim ol bebi pik inap ol i winim sikispela wik. Em i karamapim tu trening bilong ol lokal fama long ol kaikai bilong pik, haus na helt menesmen, na tu long rot bilong kamapim lokal, rijonal na nesenel maket bilong Hailans Viles pik mit.

Tenpela skul long Apstrim eria, 18 praimer i na haikul long Sentral Provins na Nesenel Kepital Distrik (wantaim sikispela skul long ol ples long LNG Plent sait) na Port Moresby Nature Park i kisim ol kompiuta laborator i aninit long LiteHaus Digital Infrastraksa Program, husat i save kisim mani long EMPNG. Wan wan laborator i i gat 15 desktop kompiuta wantaim sofwe, e-laibreri, akses long Digital Skills Passport, wanpela 50-inch display skrin wantaim konektiviti i go long ol samting bilong sapotim tisa, na 24 aua rimot teknikal sapot, na i gat tu man i stap long givim sapot.

EMPNG i givim ol komyuniti long LNG Plent sait, nupela famasi na haus bilong putim ol medikol saplai. Ol i yusim tupela rifebis siping kontena long wokim dispela fasiliti. Bai ol i yusim long putim saplai bilong ol rurel helt senta long Sentral Provins. EMPNG i givim tu ol medikol ikwipmen bilong embulens na fes aid trening long ol helt kea woka na ol embulens draiva long Porebada Sab-Helt Senta long 2022.

Tupela nupela komyuniti hol ol i bin fandim long Community Infrastructure Trust Fund aninit long Mineral Resources Development Company Limited, i bin op long 2022. Long mun Mas, ol i bin opim wanpela tu-level komyuniti hol long Boera Viles long givim ol lokal komyuniti, tupela miting rum, foapela opis, wanpela kitsen na ol arapela fasiliti. Long Lea Lea Viles, ol i opim wanpela open spes miting ples we i gat foapela opis na kitsen, long mun Epril.

EMPNG i wok gohet wantaim Buk bilong Pikinini laibreri long ol ektiviti, olsem Litresi wik program long strongim skil long ol Papua Niugini pikinini long rit na metametiks. Namel long planti ektiviti ol i kisim sapot long 2022, EMPNG i bin givim wanpela skul bas long helpim Buk bilong Pikinini long kisim ol edukesen program bilong en i go long ol Papua Niugini komyuniti.

EMPNG Saiens Embeseda Program i kam bek strong gen long 2022 we 818 studen bilong tripela skul long Apstrim na sikispela skul long LNG Plent sait viles, i bin stap insait long dispela yia.



Saiens Embeseda, Gabriel Kila (rathan) i wokim prektikel eksperimen wantaim ol studen bilong Papa Junia Haikul olsem hap bilong Saines Embeseda Program

Dispela program i kirapim tingting bilong ol skul studen long kisim wok long saiens, teknoloji, ensiniaring, na metametiks (STEM) we i gat ol prektikel eksperimen na klasrum lesen we ol i stadi long ol topik olsem ol ston na jioloji na olsem wanem oil na ges i kamap. Samting olsem 5870 studen i bin stap insait long dispela Saiens Embeseda Program long taim program i bin kamap long Papua Niugini.

Long 2022, EMPNG i makim 10-pela yia bilong sponsa na wok wantaim ol PNG LNG Kumuls. Ol PNG LNG Kumuls i wok wantaim EMPNG long kamapim gut ragbi lig skil bilong ol yut long lokal komyuniti na helpim long developim laip bilong ol long skul na wok long bihain taim.

Long dispela yia, EMPNG i makim PNG LNG Kumuls Senta, Justin Olam, olsem nupela PNG LNG Komyuniti Embeseda. Gutpela nem bilong Justin na lidasip na komitmen bilong em long edukesen na yusim sans long kamapim gutpela laip, i wankain olsem ol velu bilong EMPNG.



Justim Olam wantaim ol memba bilong Koita Sisters Ragbi Lig tim long taim em i lukluk raun long Papa Viles long Sentral Provins

Envairomen

Wok long Lake Kutubu Wildlife Management Area (WMA) Menesmen Plen i gohet yet na ol i pinisim namba wan ful draf bilong Menesmen Plen. Ol i bin bungim data bilong envairomen, baidaivesiti na kalsa velu bilong rijon long ol sevei ol i bin mekim wantaim ol memba bilong WMA Komiti na ol lokal komyuniti. Bai i gat wanpela woksop i kamap wantaim ol stekholda long distrik, provinsal edministresen, ol Papua Niugini Gavman dipatmen na ol sivil sosaiti ogenaísesen long glasim dispela draf Plen bipo long ol i givim tok orait long en.

Bihain long namba wan miting long 2021, narapela miting bilong nupela konsevesen eria long graun bilong Sanumahia klen i stap long west hap long Lake Kutubu WMA, i bin kamap namel long ol memba bilong dispela klen long Lorogobai'iu Viles.

Ol i makim ol komiti long mekim komyuniti awenes na ol arapela konsevesen ektiviti. Ol komiti bai kamapim wanpela komyuniti ogenaísesen bilong dispela nupela konsevesen eria.

EMPNG i wok yet wantaim ol Lowa Kikori komyuniti long ol konsevesen inisitiv. Long 2022, ol i kisim wanpela envairomen loya long go pas long wok bilong konsevesen deed. Dispela loya i pinisim namba wan draf bilong 10-pela konsevesen

deed na i bin gat rivi na tok orait bilong ol Kerewo na Kibiri klen long 2021. Namba tu draf bilong ol dispela konsevesen deed bai mipela i serim wantaim ol komyuniti long 2023.

EMPNG i wok wantaim Papua Niugini Social Research Institute long kamapim wanpela kalsa heritej stori buk bilong ol pikinini. Ol i bin bungim ol dispela stori tumbuna long taim bilong komyuniti engesmen na wok bilong risos meping proses aninit long Komponen 5 bilong Baidaivesiti Ofset Program bilong EMPNG. Bai ol i pablisim dispela buk long 2023.

Long 2022, ol i pablisim ol risal bilong baienal baidaivesiti monitoring sevei i bin kamap long 2021. Dispela sevei i bin bungim infomesen long planti kain kain diwai na enimal spisis long dispela hap, na i gat tu poto bilong ol enimal we 80-pela kamera i bin kisim. Ol i bin putim ol dispela kamera long bus long tupela pamanen Baidaivesiti Asesmen Eria long Hides Ridge na long Agogo Range, klostu long Moro.

Ripot i soim olsem 35-pela rokrok spisis ol i bin rekodim long dispela 2021 sevei. I no bin gat tenis long ol bilakbokis na rat komyuniti, na long bus arere long paipain Right of Way (ROW) long sevenpela yia ol i bin wokim ol sevei. Dispela i soim olsem long taim ol i kliam bus long putim paipain ROW, i no bin gat bikpela tenis i kamap long laip bilong ol rat.

Mak bilong ges i kamaut long paia, HGCP i bin rekodim, i soim olsem dispela mak i stap daunbilo bikos long wok ol i mekim long daunim ges i save kamap long dispela paia. EMPNG bai senisim nainpela disel jenereta wantaim ges pawa maikrotebain long daunim mak bilong grinhaus ges long Apstrim eria. Long 2022, ol PNG LNG fasiliti i bin kamapim 2096 kiloton kabondaioksaid samting olsem bikos long fuel ol i yusim long ol jenereta long LNG Plent na long HGCP. Mak bilong grinhaus ges i bihainim plen bilong ExxonMobil 2030 Grinhaus Ges Emison Redukson Plens.

EMPNG i wok long kamapim gut long-term weist menesmen long ol ples bilong wok. Bihain long ol test i bin kamap gut, Papua New Guinea Conservation and Environment Protection Authority i givim tok orait long wanpela onsite tritmen proses bilong weist wara long taim ol i wasim ol ikwipmen long HGCP.

Dispela nupela proses em pri-tritmen long kabon filtresen yunit na sekenderi tritmen long vetiver grass reed bed sistem long Hides Weist Menesmen Fasiliti long Kopeanda. Long pinis bilong 2022, klostu 5 ton bilong proses wash wara long HGCP em ol i tritmen long reed bed sistem. Long taim ol i sekim graun wara long Hides Weist Menesmen Fasiliti, ol i painim olsem trited wara i no bin bagarapim kwaliti bilong graun wara.

Ol rot bilong yusim gen ol weist samting, i wok long kamap gut. Wanpela eksampel em, long 2022, ol i yusim gen 43 ton timba i kam long ol ples wok bilong EMPNG, long wokim ol komyuniti infrastraksa projek long Porebada Viles klostu long LNG Plent sait.

Long apstrim eria, long 2021 ol i bin luksave long sans bilong yusim gen weist oil i kam long ol operesen ikwipmen, na ol i bin prosesim na yusim gen 11 ton weist oil long 2022.

Olsem komitmen bilong EMPNG long 'Protect Tomorrow. Today.' ol 60-pla LNG Plent sait volandia i bin planim 100 mangro sid klostu long LNG Plent sait long makim Wol Envairomen De long Jun.



EMPNG na ol kontrakta volandia i planim ol mangro arere long LNG Plent sait long Wol Enviromen De

Sosel

EMPNG i strongim yet rekod bilong en long go pas long industri, long sefti long wok, na i winim nainpela yia long wok we i no bin gat Lost Time Incident long LNG Plent. Moa long 18.7 milien aua bilong wok i bin kamap long 2022.

Apstrim eria i winim moa long faivpela yia we i no bin gat wampela Lost Time Incident. Enviromental na Propeti Solutions Fasiliti tim long ExxonMobil Haus i bin winim wampela bikipela mak tru long sefti we insait long faivpela yia, i no bin gat ripot bilong wampela i kisim bagarap.

EMPNG i save mekim table-top na field based imejensi trening long stopim wanem kain bikipela bagarap i kamap. Long 2022, i bin gat 12-pela bikipela kain trening olsem long field long givim save long ol imejensi woklain long pasin bilong helpim na stopim kain bikipela birua olsem i kamap. Twenti-seven medikol imejensi rispons drils i bin kamap long ol wokples bilong EMPNG long dispela yia.



Paia opisa, Hisiu Sere, (long fran) na paia paita, Guba Mea i wokim trening bilong ol paia paita long LNG Plent sait

Long Jun, EMPNG i statim human pefomens fluensi trening wantaim 500 supavaisa husat i bin pinisim trening long pinis bilong yia. Dispela trening i salensim ol sefti lida long skruim moa save bilong ol long sefti awenes long luksave olsem wanem na watpo ol asua i save kamap long ples bilong wok. Em i givim strong tu long ol lain husat i kisim dispela trening long go na skulim ol arapela wokfos.

Humen pefomens fluensi trening em ol i disainim long helpim ol woka i luksave gut long pasin bilong wan wan manmeri na olsem wanem ol i wok long plent, proses na wantaim wampela narapela insait long ples bilong wok long daunim birua na mekim ol pipel i stap seif.

Long helpim ol woka i sapotim wampela narapela long taim ol yet i gat wari, o famili na komyuniti o bikipela hevi i kamap long wol, EMPNG i statim wampela Mental Health First Aider trening wantaim St John Ambulance Service Papua New Guinea, long Ogas. Dispela program i sapotim EMPNG Wik bilong lukautim tingting mental helt awenes program we i givim ol Mental Health First Aider, save bilong helpim ol wanwok husat i gat hevi.

EMPNG i kamapim tu lunch-and-learn sesen na toolbox tok, long makim ol intenesenel de olsem Wol Tubekulosis De, Wol Malaria De, Wol Daibitis De na Wol AIDS De long dispela yia. Ol woka i kisim ol moskito net long Wol Malaria De, fri daibetik test long Wol Daibitis De, na fri HIV/AIDS test na kauseling long Wol AIDS De.



Matilda Manasseh i kisim blut test long Helt Ekstensen Opisa, Jubilee Paru, long sapotim Wol Daibitis De

Olsem hap bilong Nesenel Konten Strateji, EMPNG i save bungim na wok wantaim ol komyuniti stekholda, long olgeta level bilong gavman na ol sivil sosaiti ogenaísesen.

Long 2022, samting olsem 12,310 engesmen o bung na toktok wantaim komyuniti, i bin kamap wantaim ol komyuniti long olgeta hap we PNG LNG i wok long en. Long ol dispela bung, 3390 em ol fomal engesmen na 8920 em ol infomal bung wantaim 49,900 stekholda.

Long Apstrim eria, ol bung i kamap long toktok long kisim wok na sans bilong bisnis developmen long ol wok bilong EMPNG long Angore na bihainim paipain ROW, ol Clan Caretaking Agreement, na ol komyuniti invesmen program. Na ol bung wantaim ol komyuniti long LNG Plent sait, lukluk long komyuniti developmen sapot projek, givim wok na sans bilong kamapim bisnis, na marin sefti eksklusen zon.

Wantaim ol komyuniti engesmen, i bin gat 33 edvokesi woksop we 360 manmeri long ol nesenel gavman ejensi, ol provinsal gavman na ol ko-vensa patna, i bin kamap long 2022. Narapela 365 pipel bilong ol lokal skul na komyuniti i bin go lukluk raun long HGCP na LNG Plent long dispela yia.

Long HGCP, ol lukluk raun i karamapim tu lons bilong enuel Famili Komyuniti Tour, ol 27 yut bilong Hides Seven De Adventis Yut Grup, i bin go lukluk raun. I bin gat enuel Tenksgiving De raun bilong 35 meri bilong sevenpela wimens grup long Apstrim eria. Ol studen bilong Saiens Embeseda Program bilong EMPNG tu i bin lukluk raun long LNG Plent sait olsem hap bilong dispela program long 2022.

I bin gat foapela lukluk raun long LNG Plent sait we ol studen i bin kam long Port Moresby Technical College, Kumul Petroleum Academy na University of Papua New Guinea. Long wankain taim EMPNG i bin winim planti bikpela mak long prodaksen na sefti long wok ples long dispela yia, EMPNG i bin selebretim tu 100 yia bilong ExxonMobil long Papua Niugini, we long moa long tenpela yia, em i bin wokim konstraksen na prodaksen wok bilong PNG LNG.



Ol Nesenel Konten Edvaisa, Mary Daure na Debbie Maraki wantaim Apstrim Komyuniti Dvelopmen Sapot Analis, Marsha Ikau i selebretim 100 yia aniveseri bilong han bilong ExxonMobil long Papua Niugini

Strongpela wok ples, bisnis na ol komyuniti inisitiv na gutpela wokbung, i stap nau wantaim ol stekholda bilong EMPNG, wantaim mani i kam long LNG prodaksen, i givim strongpela banis long sapotim sosel, na iekonomik dvelopmen bilong Papua Niugini long bihain taim.

OL BIKPELA WOK BILONG 2022

EKSEKETIV TOKTOK

114^{LOD LONG 2022} → 920

LNG KAGO I KAM INAP NAU

 **PGK5.8 bilien**
SPENDIM INSAIT
LONG KANTRI LONG OL PNG BISNIS
LONG PRODAKSEN I KAM INAP NAU

PGK633 milien SPENDIM LONG 2022

3770 ^{WE}  **88%**
TOTAL WOKMANMERI EM OL PAPUA NIUGINI

18.7 milien
AUA LONG WOK LONG 2022
100 milien
WOK AUA LONG TAIM
PRODAKSEN I KAM INAP NAU 

12,310 ENGESMEN WANTAIM
49,900 STEKHOLDA

90%  **100%**
LONG APSTRIM OPERESEN TIM EM OL PAPUA NIUGINI PAIPLAIN OPERESEN TIM EM OL PAPUA NIUGINI

148,000 AUA TRENING BILONG
PNG LNG WOKA

 **LNG PLENT 9+** **APSTRIM 5+**
YIA WE I NO GAT LOST TIME INCIDENT

PNG LNG hetkwata

**ExxonMobil PNG Limited
ExxonMobil Haus
Jacksons Parade 7 Mile
Port Moresby
National Capital District
Papua New Guinea**

**PO Box 118
Port Moresby
National Capital District
Papua New Guinea**

Email pnglngproject@exxonmobil.com

Web www.pnglng.com

Facebook @ExxonMobilPNG1

Twitter @ExxonMobil_PNG

Poto kepsen:

Kava	EMPNG HGCP Kontrol Rum Opereta, Roman Bukuru na Operesens Teknisen, Elaine Baking long HGCP
Ekseketiv Toktok	EMPNG LNG Plent Ilektrikel Teknisen, Graham Pohai long LNG Plent sait



*Energy for the World. Opportunity for Papua New Guinea.
Eneji Bilong Wol. Luksave Bilong Papua Niugini.*